

## ՀԻՆ ԹՈՒՂԹԵՐ

ՓԻԼՈՍԻ ՆԱՄԱԿՆԵՐԸ ՌՈՍՏՈՄԻՆ

1914 թ. Օգոստ. Վերջերին Ռոստոմը կարճից մեկնեց Պոլիս։ Նրան փոխարինելու համար Պոլսից գալու հին ուրիշ մարդիկ, իսկ մինչեւ այդ, նրա տեղը բռնելու էր Մարալ - Փիլոսը՝ համախորհուրդ կարնոյ կենտր. Կոմիտէի հետ։ Սակայն, քաղաքական դեպքերը դասաւրեցին այնպէս, որ դրսից ոչ ոք չկարողացաւ գալ, եւ իբրեւ Բիւրօն ներկայացուցիչ կարնում մինչեւ վերջ մնաց Փիլոսը։ Նրա հետ էր եւ կինը՝ Տիկ. Վարսենիկը, եւ մայրը. Այս երկու նաև ակները գրած են Փիլոսի ձեռքով, ծածկագիր, եւ շատ քանզարժեք վաւերագիր են այն ժամանակայ Հայաստանի կացութեան պատկերացման տեսակետից։ Փիլոսի նկարագրած դրութիւնը աւելի կամ պակաս չափով նոյնն էր եւ ուրիշ վայրերում։ Նամակները առնեած են Հ. Յ. Դ. Կենտր. Դիւանից։ ԽՄԲ.

ՍԵՐԵՋ ՌՈՍՏՈՄ,

1 Յունիս, 1915, Կարին

... (Սկզբի մասը կրում է անձնական - ընտանեկան բնոյթ)։ Կուսակցական կեանք, ի հարկէ, չկայ. Բարթող, Գասպար<sup>\*</sup>) եւայն այնպէս են յետ քաշւել, որ մերժում են մի ժողովի անդամ մասնակցել։ Վանիկը<sup>\*\*</sup>) լսու որ մնաց այստեղ. մնացել ենք երիտասարդներս, թէեւ անելու էլ բան չկայ։ Նամակ գրեցինք Վահանին էլ, Վարդգէսին<sup>\*\*\*</sup>) էլ, բայց չէկան ու չեկան. մինչդեռ նրանց մէկն ու մէկի ներկայութիւնը մեծապէս կարեւոր էր այստեղ։ Տրամադրութիւնները դէպի հայերը չափազանց վատ էին մի ժամանակ. վերջերս պէտքէ ասել, որ բաւականին փոխւել է դէպի լաւը։ Պատերազմը սկսւելուն պէս սկսւեցաւ նաեւ չէթայական գործունէութիւնը, որը արտայայտեցաւ բացառապէս հայերուն դէմ։ Բասէնը ամբողջապէս քարուքանդ եղաւ չէթաներու ձեռքով, նոյնը նաեւ Կարնոյ դաշտը. 50-60 եւ գեռ աւելի ձիաւորներով կը լեցւէին հայ գիւ-

<sup>\*</sup>) Կարնոյ Կենտր. Կոմիտէի անդամներ, <sup>\*\*) Միհրան Թերլէմէղեան, <sup>\*\*\*) Վահան Փափազեան, վ. Սերենիկիւեան։</sup></sup>

ղերը պահանջելով զէնք, դրամ : Զինաթափութիւնը մի ճարպիկ մի-  
ջոց էր եւ պէտք է ասել, որ յաջողւեցաւ : Կարնոյ դաշտում սպանե-  
ցին նաեւ Օձնի գիւղի Տ . Արիստակէս քահանան (դաշնակցական) :  
Բարբարոսութիւններ շատ եղան : Եղան գիւղեր, որ դրամ ու զէնք  
առնելու համար գիւղերով կանանց ու երեխաներին լեցրին գետը  
այսպիսով փրկանք եւ խոստովանում կորղելու համար, ու յաջող-  
ւեցան . այսքանը գեռ բաւական չէ . գրաւեցին հայերի ունեցած ցո-  
րենն ու գարին, խոտն ու գարմանը (յարդը), իսկ այժմ էլ հայ  
գիւղերը դատարկել են տալիս հիւանդանոց գարձնելու պատճառով :  
Այս խժդութիւնների մի շատ թոյլ մասն էլ գործադրեցաւ նաեւ  
թիւրք գիւղերի վրա, բայց այս՝ շատ աննշան մի չափով : Տրամա-  
դրութիւններու այս վատթար շրջանին էր, որ բանակի մէջ ծառա-  
յող հայերին զինաթափեցին եւ շատ շատերին էլ կոտորեցին անձայն  
անշուկ, աղաղակող եւ վրդովեցուցիչ փաստեր կան այս տեսակէ-  
տէն : Բասենի մօտ 60 հայ զինուորներ մի անդամից մի ճորի մէջ ըս-  
պանեցին եւ այսպէս շատ տեղեր : Անձայն ու անշուկ մի կոտորած  
էր այս, որ բաւական ժամանակ տեւեց եւ այժմ մեղմացած է կամ  
աւելի ճիշտը վերջացած, բարեբաղդաբար : Այս շրջանին էր, որ  
մենք ժողով գումարեցինք եւ որոշեցինք կուսակալին դիմել .\*) գի-  
մեցինք . ինքը դեռ նոր էր եկած, մեղմէ ասած ինքը խօսեց այն բո-  
լոր բաները ինչ մենք պիտի խօսէինք եւ պատւի խոստում տեսց  
դադարեցնել այդ բոլորը եւ հեռացնել պատասխանատունները . իր  
ասելով առնւազն 6 հոգու մահւան պիտի դատապարտէին դաշտում  
կատարւած խժդութիւնների համար : Մինչ այժմ ոչ ոք չդատա-  
պարտւեց, ի հարկէ, բայց արդար լինելու համար պիտի ասեմ, որ  
այնուհետեւ իսկապէս որ չէթայական գործունէութիւնը մեծ չա-  
փով մեղմացաւ : Այստեղից հեռացւեցան Հիլմին ու Շաքիրը \*\*) եր-  
կու այն սրիկանները, որոնք պատասխանատուններն էին այդ տիտոր  
դէպքերուն : Ի միջի այլոց ասեմ, որ Հիլմին՝ մեր լածով Բայազէ-  
դում սպանել է տեղ մեր ընկեր Թորոսին :\*\*\* ) Մեր ստացած տեղե-  
կութիւնը պէտք է ասել, որ բաւական վատահելի է :

Այսպէս, սիրելիս, այս վիճակը տեւեց բաւական երկար, բացի  
այն, նոյն այն մարդիկ ծրագրել էին իրը թէ մեզնից աչքի ընկող-  
ներին սպանել տալ մէկիկ-մէկիկ . այս տեղեկութիւնները մեզ հա-  
ղորդել են տեղացի վաճառական թիւրքերը, որոնք հակառակ են  
նման քայլերին, շատ հասկանալի պատճառով . պէտք է ասել, որ

\*) Թահսին Բէյ : \*\*) Հիլմի Բէյ, իր քիհատի կարմոյ Աերկայացուցիչը, Բէհա-  
եդիկին Շաքիր : \*\*\* ) Գալուստ Ալոյիս :

շատ վատ շրջան էր այդ. մենք հնարաւորութիւն չունեինք սերտ յարաբերութիւն պահելու կուսակալի հետ կամ ուրիշների: Մեր յարաբերութիւնը եղաւ մի անգամ. կուսակալը քաղաքավար էր եւ խնդրեց միշտ դիմենք իրեն, բայց իրեն հետ տեսակցելէ 2 օր ետքը, յանկարծ, Գոլործուի կողմից փնտրւեցանք ես եւ Վահան. Երբ հետաքրքրւեցանք մեզ փնտրելու պատճառով, զանազան պատասխաններէ վերջ, վերջապէս մեր բժիշկը մեզ յայտնեց թէ «որովհետեւ դաշնակցականներ էք, կուզեն ձեզ հսկողութեան տակ առնել իմանալու համար քաղաքականութիւնով կը զաղինք թէ ոչ»: Այս բանը ինձ թւում է պատասխանն է կամ անմիջական արգիւնքը մեր կուսակալի հետ ունեցած տեսակցութեան: Այս էր պատճառը, որ բազմից գրեցինք Վահանին, որ անցնի Կարին, բայց նա տեղից էլ չշարժւեց ու մնաց Մուշ, մինչդեռ յարաբերութիւն պահելը շատ պէտք էր, պէտք է եւ այժմ: Իսկաւած բասենցիների մօտ բռնւած են նաեւ կուսակցական թղթեր, օրագրեր, որոնց մէջ կան Մարտական գործունէութիւն, Զինական ֆոնդ եւայլն նման բաներ: Պատերազմական ատեանը հիմնելով սրանց վրա մեզնից պահանջեց ծրագիր-կանոնադիրը. տւինք, բայց ի՞նչ պիտի հասկանան. մէկը պէտք է որ անհրաժեշտ լուսաբանութիւնները տայ. կանչել էին Մարտիրոսին ու Ղազարին, գնացին ու այնպիսի բացատրութիւններ տւին, որ աւելի պիտի կասկած տան մեր լուսաբանութիւնները: Ես առաջարկեցի, որ մէկը ընկերանայ ինձ՝ երթալ անհրաժեշտ լուսաբանութիւնները տալու, դժբախտաբար, չեկան. ես էլ իմ լեզվի արկութեան պատճառով խոհեմութիւն համարեցի մենակ չգնալ, եւ այդպէս կը մնայ աւելորդ կասկածների մէջ, մինչդեռ Վահանի ներկայութիւնը կրնար փրկել մեզ այդ կասկածներից:

Դառնանք բանտարկեալներին. Պետրոսին աքսորեցին Կեսարիա: Բասենցիների քիչ մասը մնում է բանտը, մեծ մասը հանեցին արդէն: Կուսակցական խնդիրների մէջ մոռացայ զրել նաեւ դրամի մասին. քո մեկնելուց յետոյ որքան փորձեցինք գոնէ մի 200 ոսկի ստանալ եւ ճամբել Մուշ, չյաջողւեցաւ. քեզնից յետոյ Խաչիկն\*) էլ մեկնեց պատերազմի վաշտը ու կը մնայ զեռ: Ստացայ 85 ոսկի եւ ինձ մօտ եղածից էլ 15 վրան գնելով տափ Մ.-ին: Ինձ մօտ եղածից 30 ոսկի էլ տւել եմ կ. կ. -ին ի հաշիւ բանտարկեալների. չդիտեմ պէտք էր տալ թէ չէ. բայց հաւաքաբար որոշել եւ տւել ենք. բանտում այնպիսի ընկերներ կային, որոնք չէին ստանում ուրիշ բանտում այնպիսի ընկերներ կային, որոնք չէին ստանում ուրիշ տեղերից եւ բացարձակապէս զուրկ էին միջոցներից. այդ 30 ոս-

\*) Խաչիկ Փաստը մանեան:

կու մէջ է նաեւ Կ. Կ.-ի վերցրած 10 սոկին, որ տւին Ստեփանեանին :

Պատերազմի լուրերից շատ բան չեմ հաղորդում, որպէս հետեւ գիտեմ որ այնպէս էլ կիմանաս արդէն։ Այսքանը ասեմ, որ առանց կախվի էլ Օսմ. բանակը սարսափելի արագութեամբ հիւծում է, քայլայւում։ Հիւանդութիւններ, տիֆ, տիֆուս, դիզենտրի եւայլն եւայլն սոսկալի կերպով տարածւել են։ Երեւակայիր, որ միայն քաղաքում 4,500 մահ կայ ամէն օր չհաշւած դեռ բանակի մէջ (պատերազմի դաշտում) եղած մահերը։ Մօտ մի ամիս առաջ, երբ այս- տեղ կուսակալի նախագահութեան տակ, բժշկական մի ժողով տե- ղի ունեցաւ, ուր կուսակալը յայտաբարեց, որ մինչեւ այժմ բանա- կի կորուստը, մէջը հաշւելով գերի, սպանւած, վիախստական, հի- ւանդ, թիւը կը հասնի 140,000-ի։ այս մի ամսւայ մէջ զոհերը ան- համեմատ աւելի շատցան քան առաջ էր։ ախար, ուստեստ չկայ, ու- նունդ չկայ, հագուստ չկայ, խնամք չկայ։ Վերջին կուտի ժամանակ ( $0\text{մթիվ շրջանում}$ ) սարսափելի կերպով ջարդեցաւ մեր բանակը։ Շշուկ կայ, որ պատերազմի դաշտում զօրքը ըմբուստացել է եւ վի- րաւորել պատերազմական նախարար ինվերը, գերման հրամանատա- րըն եւ իր եաւեր։ որքան ճիշտ է, չգիտեմ։ Եաւերի վիրաւոր ըլլա- լը հաստատ է։

Եթէ կարելի է, պըի՛ր, խնդրում եմ. Հինգ նամակից աւելի է, որ դրում եմ Պոլիս եւ ոչ մի պատասխան չենք ստանում: Վահը նոյն-պէս լքել է մեզ: Այսպէս պէտք է լինէր . . . :

**ԶԵՐՄ ՀԱՄԲՈՅԲՆԵՈՎ՝ Սահմանադրություն**

Յ. Գ. - ԶԵ՞ս մտածում մեղ էլ քեզ մօտ տանել: Հեռագիրդ ու բաց նամակդ ստացել ենք:

21 Յունիսը, 1915 թ. Կարին

## **ՍԵՐԵԼԻ ՌՈՍՏՈՎ,**

Ուրախ լուր չունիմ հազորդելիք, ամէն ինչ տխուր է, ամէն ինչ սղաւոր. Վարսէնը անցուց, բարերախտաբար, այժմ կազդուրւում է. այս մի խոշոր բախտաւորութիւն էր: Արաքսին մեռաւ, Սահակը մեռաւ, Տիկին Փաստրմաճեանը մեռաւ, Զնդին անյոյս է եւ գուցէ ապրում է վերջին ժամերը, նոյն վիճակի մէջ է եւ Մարուքէի եղբայրը. սրանց տնէն այս շաբաթ Յ մեռել միանգամից դուրս եկաւ: Ամէն տեղ սուրէ է. տարափոխիկ հիւանդութիւնները բոյն դրին նաեւ քաղաքների մէջ եւ զոհեր է որ տանում են. օրական տաճանեակներով մարդիկ են մեռնում քաղաքացիներից միայն,

իսկ զօրքերի մէջ հաշիւ չկայ: Փախչողը կազմատի գուցէ, բայց ո՞ւր փախչել: Այսպէս է այժմ իրզումը, մի խոշոր հիւանդանոց, ուր հիւանդների մեծագոյն տոկուր մեռնում է...

Փախստական զինուրներ բռնելու նպատակով սկսեցին խուզարկել հայ տները. խուզարկեցին եւ մեր տունը ու տարան քո, իմ գըլ-խարկները (Յ հատ) եւ իմ անձնական միջոցներով շինել տած զինուրական հագուստները: Մեղ ամբաստանում են որպէս կասկածելի օտարականներ պահողներ, խնդիրը յանձնւած է պատերազմական ատեանին. տեսնենք ի՞նչ դուրս պիտի գայ...

Վերջերս, վերջապէս նամակ ստացայ Վանէն. բաւական կարեւոր դէպքեր են եղել: Կարճկանի մէջ փախստական զինուրներ հետապընդելու ատեն մի քանի անդամ կարեւոր ընդհարումներ են տեղի ունեցել փախստականների եւ կառավ. զօրքերի միջեւ. կառավարութիւնը ուղել է նոր ուժերով վերջացնել հայ «չէթաներին». կուի մէջ չէթաները մնացել են ապահով, իսկ կառավարութիւնը քանդել է անմեղ զիւղերը. նոր չէթաներ օգնութեան կը հասնին, կուր կը սաստկանայ, չէթաները կը կտրեն հեռագրաթելերը եւ օդը կը հանեն կամուրջները: Վերջապէս, կուի վայրը կը փութան եւ մեպուսներ Միւնեպ եւ Վոամ եւ կը հանդարտեցնեն յուզւած մտքերը. այժմ խաղաղ է: Կառավարութիւնը վերջերս դիմել է մերոնց եւ առաջարկել, որ Վոամն ու Արամը անցնին Սալմաստ յետ պահելու հայ խմբերը թիւրք զօրքերի դէմ կուելուց. մերոնք ցոյց կուտան Բաշկալէի հայ կոտորածը, ինչպէս նաեւ նման շարժումներ եւ կառաջարկեն ապահովել հայերի կեանքը: Կառավարութիւնը կարդարացնէ Բաշկալէի կոտորածը եւ այսպիսով կը խուի յարաբերութիւնները: Որքան կարողացայ ստուգել, կառավարութեան նպատակըն է եղել հետացնել Դաշնակցական զեկալարները: Կը կարծենք թէ Դաշնակցութեան դէմ կամաց-վամաց սկսին սկսին նոր հալածանքնը: Մուշ Ռուբէնից պահանջել են անցագիր. թւում է թէ այս էլ նոր սկիզբ է Տարոնի խոռովութիւններուն: Նոր տարւայ օրը քեզ գրել եմ աւելի ընդարձակ մի նամակ, յայտնել եմ նաեւ մեր վիլա-յէթում կատարւած դէպքերը եւ չէթայական դործունէութիւնը, ինչպէս նաեւ Պայազիտ Թորոսի սպանութիւնը Զիլմի փաշայի ձեռքով. այդ խնդիրների մասին աւելորդ եմ համարում նորից կրկնութիւններ անել:

Մի քանի տեղեկութիւններ նաեւ պատերազմի մասին, բայց իսկապէս պատերազմ չէ այս, այլ կատարեալ կոտորած. կոտորում է թշնամին, կոտորում է ցուրտը, անօթութիւնը, մերկութիւնը, հիւանդութիւնները եւայլն եւ դիակները թէ Կարնոյ դաշտում, թէ Բա-

սէնում, Նարմանում մնում են անթաղ. Թափիթւած իրար կողք կողքի, շարան-շարան. դիակներ մարդկանց, դիակներ կենդանիների... Այսպէս է պատերազմի դաշտում... Այն տարաձայնութիւնները թէ մերոնք գրաւել են Օլթին ու Սարըզամիչը, անպատճառ սուստ է. ճիշտ է, մերոնք գնացին յիշեալ տեղերը, բայց դա լոկ ուազմական մի խաղ էր եւ այնպիսի մի ջարդ կերան, որ սոսկալի էր. խուժավը հասաւ մինչեւ կարին, կառավարութիւնը սկսեց ուժ տալ ու գօքացընել ամբոցները. կարծում էին, որ թշնամին նոյն թափով գալու է, բայց սխալեցին. թշնամին հասաւ իր նախկին դիրքերը եւ մնաց երբեք չփորձելով առաջ դալ: Թշնամու յետ կանգնելլ նորից քաջալերեց մերոնց. նրանք սկսեցին հաւաքել ջարդւած բանակի անյոյս բեկորները, հաւաքել 45-50 տարեկանները իրը թէ նոր բանակ կաղմելու եւ նորից սկսելու կոիւը. այժմ այդ ջանքերի մէջ են ահա. ինչպէս երեւում է անյոյս են նաեւ գերման սպաները: Սրանք վերչերս դիմել են իտալական եւ ամերիկեան կառավարութիւններին, որ իրենց տրամադրելի անեն մի նաւ վերադառնալու համար Գերմանիա, բայց կարծեմ մերժել են: Լքումը թէ ժողովրդի, թէ զօրքի եւ թէ մասնաւորապէս սպաների մէջ այն աստիճանի է հասած, որ մեծ հաճոյքով կընդունին թշնամուն, եթէ դայ, բայց թշնամին չի գալիս եւ կարծում եմ չի էլ դայ գարունքէն առաջ:

Պոլիսը լրում է. մի հատիկ նամակ անդամ չենք ստացել. չես գրում եւ դու, կտրւել ենք ամբողջ աշխարհից եւ սեղմւել մեր շրջանակի մէջ, ուր ամէն կողմ սուստ, ամէն կողմ լաց ու կոծ է:

Վերը մոռացայ ասել, որ Խաչիկն էլ հիւանդ է, հիւանդ է նաեւ Մազմանեան Լեւոնի կինը՝ Աղելլ, բայց մի՞թէ կարելի է թւել բալորը: Զնդին անդադար յիշում է քեզ. վերջին օրերս չի էլ խօսում. երէկ իր մօտն էի, յայտնեցի քեզ նամակ գրելուս մտադրութիւնը, խեղճը լարեց իր բոլոր ուժերը եւ կցկառւը բառերով ասաց հետեւեալը. «Թող Ամերիկան դրամ հասցնէ անզայման Ժընեւի մէջ գնելու Դաշն. տունը եւ թող անունը գրեն «Մեր տունը». մի ընկերոջ վերջին ցանկութիւնն է գուցէ որ աւելորդ չհամարեցի քեզ գրել. առհասսարակ քեզ շատ է յիշում...

Դէ՛, մնաս բարեւ, ո՞վ գիտէ գուցէ մենք էլ հիւանդացանք կամ մի բան եղանք, գուցէ էլ չկարողացայ զրել. ախը գրելու սի՞րս է դիմանում: Մնաս բարեւ, քեզ համբուրում եմ կարօտով, շատ-շատ կարօտով, համբուրում ենք բոլորս, Վարսէնը, մայրս: Եթէ հնարաւորութիւն ունես աղաչում եմ գրիր երկար-երկար:

### Յ. ԹՈՒՄԱՆԵԱՆԻ ՆԱՄԱԿԻ ՀԱՅԱՍՏԱՆԻ ԿԱՌԱՎԱՐՈՒԹԵԱՆ

1919 թ. մարտին, Թիֆլիսում, տօնւեց Յովհաննես Թումանեանի ծննդեան յիսնամեակը: Այդ առքիւ շնորհաւորական հեռագիր էր տւել Հայաստանի կառավարութիւնը, որին Յ. Թումանեանը պատասխանեց հետեւեալ հեռագրով:

#### Մարտ 8, Երևան

Հայաստանի կառավարութեան Նախագահի փոխանորդ Ա. Խաչիսեանին,

Հայրենի երկրի անդրանիկ կառավարութեան անդրանիկ գրական ողջոյնն ու բարեմաղթութիւնները յուղեցին ինձ մինչեւ արտասունք:

Էս բոլոր զգացմունքները ես բացատրում եմ ոչ թէ իմ գրական գործերի արժեքով, այլ մեր ազգային ոգու անպարտելի հզօրութեամբ, որին չեն կարող ընկնել ոչ սով, ոչ հիւանդութիւն, ոչ հալածանք, ոչ տառապանք: Միշտ մնում է կենդանի եւ թեւաւորւած մեծութեան ու գեղեցկութեան տենչերով:

Էս անգամ էլ, առասպելական ֆէնիքսի նման, պիտի յառնի իր օջախների մոխիրներից նոր կեանքով ու աւելի տաղանդաւոր բանաստեղծների գլարթ երգերով: Եւ եթէ բանաստեղծի աղօթք էք ուղում ինձանից, ասլա ես միայն մի աղօթք ունեմ նրա համար, որ նա, հայ ժողովուրդը կենդանի մնայ Փիղիքապէս, մնացածը ձեռք կը բերի ինքը - ինքը, որ կանդնած է աշխարհների մէջտեղը, Հայաստանի երկնահաս բարձրաւանդակին, երկնքից էնքան մօտիկ, իր խոհում ճակատը դէմ տւած աշխարհի բոլոր փոթորիկներին՝ պայծառ նայում է դէպի իր մեծ եւ լուսաւոր ապագան:

Իմ հոգին լիքն է նրա ոգու հզօրութեան չնչով եւ նրա մեծ պապայի անսասան հաւատով:

Եւ թող էդ մեծ ոգին ու էդ անսասան հաւատը զօրավիր լինեն նրա կառավարութեանը, որ կարողանայ ժողովրդին հանել էս ծանըր ճգնաժամից եւ տանել յաղթանակներից ամենամեծն ու ամենագեղեցիլը - եղբայրական սիրով տիրել հարեւան ժողովուրդների սրտերին՝ Հայաստանի երջանկութեան համար:

ՅՈՎՀԱՆՆԵՍ ԹՈՒՄԱՆԵԱՆ